

242A

IN FESTO

PURISSIMI CORDIS B. M. V.

DUPLEX MAJUS.

Ex Decret. Ss. P. N. Pii IX, 26 Jun. 1862.

AD VESPERAS.

*Antiphona et Cap. de Laudibus.
Psalmi ut in Officio parvo.*

HYMNUS.

Ave maris stella,
Dei mater alma,
Atque semper virgo,
Felix cæli porta.

Sumens illud Ave
Gabrielis ore,
Funda nos in pace,
Mutans Hevæ nomen.

Solve vincla reis,
Profer lumen cæcis,
Mala nostra pelle,
Bona cuncta posce.

Monstra te esse matrem,
Sumat per te preces,
Qui pro nobis natus
Tulit esse tuus.

Virgo singularis,
Inter omnes mitis,
Nos culpis solutos
Mites fac & castos.

Vitam præsta puram,
Iter para tutum,
Ut videntes Jesum

Semper collætemur.

Sit laus Deo Patri,
Summo Christo decus,
Spiritus Sancto,
Tribus honor unus. Amen.

Ÿ. Exsulta in omni corde, filia
Jerusalem.

℟. Rex Israel Dominus in mé-
dio tui.

AD MAGNIFICAT.

Aña. Exultávit cor meum in
Dómino, et exaltátum est cornu
meum in Deo meo, quia lætata sum
in salutári tuo.

ORATIO.

Omnipotens sempitérne Deus, qui
in Corde Beatæ Mariæ Virginis dig-
num Spiritus Sancti habitáculum
præparásti, concède propitius ut
ejúsdem Puríssimi Cordis festivitá-
tem devóta mente recoléntes, se-
cúndum Cor tuum vivere valeámus.
Per Dóminum... in unitáte ejúsdem..

AD MATUTINUM.

Invitatorium.

Ave, Maria, gratia plena: * Dominus tecum.

Psalm. Venite, exultemus Domino.

HYMNUS.

Quem terra, pontus, sidera
Colunt, adorant, prædicant,
Trinam regentem machinam
Clastrum Mariæ bajulat.

Qui luna, sol, & omnia
Deserviunt per tempora,
Perfusa cæli gratia,
Gestant puellæ viscera.

Beata Mater munere,
Cujus, supernus Artifex,
Mundum pugillo continens,
Ventris sub arca clausus est.

Beata cæli nuntio,
Fœcunda sancto Spiritu,
Desideratus gentibus
Cujus per alvum fusus est.

Jesu, tibi sit gloria,
Qui natus es de Virgine,
Cum Patre, & almo Spiritu
In sempiterna sæcula. Amen.

IN I NOCTURNO.

Ant. Benedicta tu...

PSALMUS 8.

Domine Dominus noster, * quam admirabile est nomen tuum in universa terra!

Quoniam elevata est magnificentia tua, * super cælos.

Ex ore infantium & lactentium

(2

perfecisti laudem propter inimicos tuos: * ut destruas inimicum & ultorem.

Quoniam videbo cælos tuos, opera digitorum tuorum: * lunam & stellæ, quæ tu fundasti.

Quid est homo, quod memor es ejus? * aut filius hominis, quoniam visitas eum?

Minuisti eum paulò minus ab Angelis, gloria & honore coronasti eum: * & constituisti eum super opera manuum tuarum.

Omnia subjecisti sub pedibus ejus, * oves & boves universas: insuper & pecora campi.

Volucres cæli, & pisces maris, * qui perambulant semitas maris.

Domine Dominus noster, * quam admirabile est nomen tuum in universa terra!

Gloria Patri...

Ant. Benedicta tu inter mulieres, et benedictus fructus ventris tui.

Ant. Et ait Maria.

PSALMUS 18.

Cæli enarrant gloriam Dei, * & opera manuum ejus annuntiat firmamentum.

Dies diei eructat verbum * & nox nocti indicat scientiam.

Non sunt loquelæ, neque sermones, * quorum non audiantur voces eorum.

In omnem terram exivit sonus eorum: * & in fines orbis terræ verba eorum.

In sole posuit tabernaculum suum, * & ipse tamquam sponsus proce-

dens de thalamo suo:

Exultavit ut gigas ad currendam
viam, * á summo cœlo egressio ejus.

Et occursum ejus usque ad sum-
mum ejus: * nec est qui se abscon-
dat á calore ejus.

Lex Domini immaculata conver-
tens animas: * testimonium Domi-
ni fidele, sapientiam præstans par-
vulis.

Justitiæ Domini rectæ, lætifican-
tes corda: * præceptum Domini lu-
cidum, illuminans oculos.

Timor Domini sanctus, permanens
in seculum seculi: * judicia Domi-
ni vera, justificata in semetipsa.

Desiderabilia super aurum & la-
pidem pretiosum multum: * & dul-
ciora super mel & favum.

Etenim servus tuus custodit ea,
* in custodiendis illis retributio multa.

Delicta quis intelligit? ab occul-
tis meis munda me: * & ab alienis
parce servo tuo.

Si mei non fuerint dominati, tunc
immaculatus ero: * & emundabor á
delicto maximo.

Et erunt ut complacent eloquia
oris mei; * & meditatio cordis mei
in conspectu tuo semper.

Domine adjutor meus, * & re-
demptor meus.

Gloria Patri...

Ant. Et ait Maria: Magnificat
ánima mea Dóminum, et exultávit
spiritus meus in Deo salutári meo.

Ant. Quia respéxit...

PSALMUS 23.

Domini est terra, & plenitudo ejus:
* orbis terrarum, & uníversi, qui ha-

(3)

bitant in eo.

Quia ipse super maria fundavit
eum: * & super flumina præpara-
vit eum.

Quis ascendet in montem Dómini?
* aut quis stabit in loco sancto ejus?

Innocens manibus & mundo corde,
* qui non accepit in vano animam
suam, nec juravit in dolo proxi-
mo suo.

Hic accipiet benedictionem á Do-
mino: * & misericordiam á Deo sa-
lutari suo.

Hæc est generatio quærentium
eum, * quærentium faciem Dei Jacob.

Attollite portas principes vestras,
& elevamini portæ æternales: * & in-
troibit rex gloriæ.

Quis est iste rex gloriæ? * Domi-
mus fortis & potens, Dominus po-
tens in prælio.

Attollite portas principes vestras,
& elevamini portæ æternales: * & in-
troibit rex gloriæ.

Quis est iste rex gloriæ? * Domi-
nus virtutum ipse est rex gloriæ.

Gloria Patri et Filio ...

Ant. Quia respéxit humilitátem
ancillæ suæ: ecce enim ex hoc beá-
tam me dicent omnes generationes.

℟. Anima mea liquefacta est.

℣. Ut locutus est dilectus.

LECTIO I.

De Canticis Canticorum.

Cap. 4.

Quam pulchra es, amica mea, quam
pulchra es! Oculi tui columbárum,
absque eo quod intrinsecus latet. Si-
cut vitta coccínea, lábia tua; et eló-

quium tuum dulce. Sicut fragmen mali púnici, ita genæ tuæ, absque eo quod intrinsecus latet. Sicut turris David collum tuum, quæ ædificata est cum propugnaculis: mille clypei pendent ex ea, omnis armatura fortium. Vulnerasti cor meum, Soror mea Sponsa, vulnerasti cor meum in uno oculorum tuorum, in uno crine colli tui. Favus distillans labia tua, Sponsa, mel et lac sublingua tua. Hortus conclusus, fons signatus — Tu autem.

¶. Deduc me, Dómine, in via tua, et ingrédiar in veritate tua: lætetur cor meum * Ut timeat nomen tuum. ¶. Pone me ut signaculum super cor tuum, ut signaculum super brachium tuum. Ut timeat ..

LECTIO II.

Cap. 5.

Veni in hortum meum, Soror mea, Sponsa: méssui myrrham meam cum aromatibus meis: comédi favum cum melle meo. Vox dilécti mei pulsantis: Aperi mihi, soror mea, amica mea, columba mea, immaculata mea, quia caput meum plenum est rore, et cincinnati mei guttis noctium. Surrexi ut aperirem dilecto meo: manus meæ stillaverunt myrrham, et digiti mei pleni myrrha probatissima. Aperui dilecto meo, at ille declinaverat atque transierat. Anima mea liquefacta est, ut locutus est.

Tu autem...

¶. In Dómino gaudebo, et exultabo in Deo Jesu meo: Deus Dominus fortitudo mea * Super excelsa deducet me. ¶. Læva ejus sub capite meo, et dextera illius amplexabitur me. Super...

LECTIO III.

Cap. 5 et 6.

Qualis est dilectus tuus ex dilecto ó pulcherrima mulierum? qualis est dilectus tuus ex dilecto, quia sic adjurasti nos? Dilectus meus candidus et rubicundus, electus ex millibus, totus desiderabilis. Talis est dilectus meus, et ipse est amicus meus, filiæ Jerusalem. Quo abiit dilectus tuus, ó pulcherrima mulierum? Quo declinavit dilectus tuus, et quæremus eum tecum? Pulchra es, amica mea, suavis et decora sicut Jerusalem, terribilis ut castrorum acies ordinata. Una est columba mea, perfecta mea, una est matris suæ, electa genitrici suæ. Viderunt eam filiæ, et beatissimam prædicaverunt, reginæ laudaverunt eam. Tu autem...

¶. Inveni gratiam apud óculos tuos, Dómine mi, * Qui consolatus es me, et locutus es ad cor ancillæ tuæ. ¶. In toto corde meo exquisivi te, ne repellas me á mandatis tuis. Qui consolatus.... Gloria Patri.... Qui consolatus...

IN II NOCTURNO.

Ant. Beata...

PSALMUS 44.

Eructavit cor meum verbum bonum: * dico ego opera mea regi.

Lingua mea calamus scribæ, * velociter scribentis.

Speciosus forma præ filiis hominum, diffusa est gratia in labiis tuis: * propterea benedixit te Deus in æternum.

Accingere gladio tuo super femur

tuum, * potentissime,

Specie tua & pulchritudine tua *
intende, prosperè procede, & regna,

Propter veritatem, & mansuetudinem, & justitiam: * et deducet te mirabiliter dextera tua.

Sagittæ tuæ acutæ, populi sub te cadent, * in corda inimicorum regis.

Sedes tua Deus in sæculum sæculi: * virga directionis virga regni tui.

Dilexisti justitiam, & odisti iniquitatem: * propterea unxit te Deus, Deus tuus oleo lætitiæ præ consortibus tuis.

Myrrha, & gutta, & casia à vestimentis tuis, à domibus eburneis: * ex quibus delectaverunt te filiæ regum in honore tuo.

Astitit regina à dextris tuis in vestitu deaurato: * circumdata varietate.

Audi filia, & vide, & inclina aurem tuam: * & obliviscere populum tuum, & domum patris tui.

Et concupiscet Rex decorem tuum: * quoniam ipse est Dominus Deus tuus, & adorabunt eum.

Et filiæ Tyri in muneribus, * vultum tuum deprecabuntur: omnes divites plebis.

Omnis gloria ejus filiæ Regis abintus, * in fimbriis aureis circumamicta varietatibus.

Adducentur Regi virgines post eam: * proximæ ejus afferentur tibi.

Afferentur in lætitia & exultatione: * adducentur in templum regis.

Pro patribus tuis nati sunt tibi filii: * constitues eos principes super omnem terram.

Memores erunt nominis tui * in omni generatione & generationem.

Propterea populi confitebuntur tibi

in æternum: * & in sæculum sæculi.

Gloria Patri, & Filio...

Ant. Beata, quæ credidisti, quoniam perficientur ea, quæ dicta sunt tibi à Dómino.

Ant. Fecit mihi...

PSALMUS 45.

Deus noster refugium, et virtus: * adjutor in tribulationibus, quæ invenerunt nos nimis.

Propterea non timebimus dum turbabitur terra: * et transferentur montes in cor maris.

Sonuerunt, et turbatæ sunt aquæ eorum: * conturbati sunt montes in fortitudine ejus.

Fluminis impetus lætificat civitatem Dei: * sanctificavit tabernaculum suum Altissimus.

Deus, in medio ejus, non commovebitur: * adjuvabit eam Deus mane diluculo.

Conturbatæ sunt Gentes, et inclinata sunt regna: * dedit vocem suam, mota est terra.

Dominus virtutum nobiscum: * susceptor noster Deus Jacob

Venite, et videte opera Domini, quæ posuit prodigia super terram: * auferens bella usque ad finem terræ.

Arcum conteret, et confringet arma: * et scuta comburet igni.

Vacate, et videte quoniam ego sum Deus: * exaltabor in gentibus, et exaltabor in terra.

Dominus virtutum nobiscum: * susceptor noster Deus Jacob.

Gloria Patri, et Filio...

Ant. Fecit mihi magna qui potens est, et sanctum nomen ejus.

Añā Fecit potentiam...

PSALMUS 86.

Fundamenta ejus in montibus sanctis: * diligit Dominus portas Sion super omnia tabernacula Jacob.

Gloriosa dicta sunt de te, * civitas Dei.

Memor ero Rahab, * et Babylonis scientium me.

Ecce alienigenæ, et Tyrus, et populus Æthiopum, * hi fuerunt illic.

Numquid Sion dicet: Homo, et homo natus est in ea: * et ipse fundavit eam Altissimus?

Dominus narrabit in scripturis populorum, et principum: * horum, qui fuerunt in ea.

Sicut lætantium omnium * habitatio est in te.

Gloria Patri, et Filio...

Añā. Fecit potentiam in brachio suo, dispersit superbos mente cordis sui.

Ÿ. Fortis est ut mors dilectio.

Ÿ. Dura sicut infernus æmulatio.

LECTIO IV.

Sermo Sancti Bernardini Senensis.

Ex serm. 9 de Visit.

Quis mortalium, nisi divino fretus oráculo, de vera Dei et hominis Genitrice quidquam modicum, sive grande præsumat pollutis labiis nominare: quam Pater ante secula Deus perpetuam prædestinavit in Virginem dignissimam: Filius elegit in Matrem: Spiritus Sanctus omnis gratiæ domicilium præpara-

vit? Quibus verbis ego homunculus sensus altissimos Virginei Cordis, sanctissimo ore prolatus éfferam: quibus non sufficit lingua omnium hominum, et etiam angelorum? Dominus enim ait: Bonus homo de bono thesauro cordis sui profert bona. Quis autem inter puros homines melior homo potest excogitari, quam illa, quæ meruit effici Mater Dei, quæ in Corde et in utero suo ipsum Deum hospitata est? Quis thesaurus melior, quam ipse divinus amor, quo Cor Virginis ardens erat?

Tu autem...

Ÿ. Ego diligentes me diligo, et qui manè vigilant ad me, invenient me. Mecum sunt divitiæ et gloria: * Opes superbæ et justitia. Ÿ. Ut ditem diligentes me et thesauros eorum repleam. Opes...

LECTIO V.

De hoc igitur Corde quasi fornace divini ardoris Virgo Beata protulit verba bona, id est verba ardentissimæ charitatis. Sicut enim a vase optimo vino pleno, non potest exire nisi optimum vinum: aut sicut a fornace summi ardoris non egreditur nisi incendium fervens: sic de Corde Matris Christi exire non potuit verbum, nisi summi, summæque divini amoris atque ardoris. Septem verba tantum miræ sententiæ et virtutis a Christi benedictissima Matre leguntur dicta. Cum Angelo bis tantum locuta est. Cum Elisabeth bis etiam. Cum Filio etiam bis. Cum ministris in nuptiis semel. Hæc septem verba, secundum septem amoris actus, sub miro gradu

et ordine prolata, quasi sunt septem flammæ Cordis ejus.

Tu autem...

℣. Ego Mater pulchræ dilectionis, et timoris, et agnitionis et sanctæ spei. In me gratia omnis viæ et veritatis: * In me omnis spes vitæ et virtutis. ℣. Transite ad me, omnes qui concupiscitis me, et à generationibus meis implemini. In me omnis spes...

LECTIO VI.

Quæ verba considerans mens devota, cum ipso Propheta ait: Quam dulcia faucibus meis, id est omnibus affectionibus eloquia tua! Porro dulcedo hæc, quam in verbis Beatæ Virginis devota mens sentit, est ardor piæ devotionis, quam in eis anima experimentaliter probat. Distinguamus igitur per ordinem has septem flammæ amoris, verborum Virginis benedictæ. Prima est flamma amoris separantis. Secunda amoris transformantis. Tertia amoris communicantis. Quarta amoris jubilantis. Quinta amoris soporantis. Sexta amoris compatientis. Septima amoris consummantis.

Tu autem...

℣. Beatus homo, qui audit me, et qui vigilat ad fores meas quotidie, et observat ad postes ostii mei. ℣. Qui me invenerit inveniet vitam, et hauriet salutem à Domino. v. Qui autem in me peccaverit lædet animam suam: omnes qui me oderunt, diligunt mortem. Qui me invenerit... Gloria Patri... Qui me invenit...

IN III NOCTURNO.

Ant. Unde hoc mihi.

PSALMUS 95.

Cantate Domino canticum novum: * cantate Domino omnis terra.

Cantate Domino, et benedicite nomini ejus: * annuntiate de die in diem salutare ejus.

Annuntiate inter Gentes gloriam ejus, * in omnibus populis mirabilia ejus.

Quoniam magnus Dominus, et laudabilis nimis, * terribilis est super omnes deos.

Quoniam omnes dii gentium dæmonia: * Dominus autem cælos fecit.

Confessio, et pulchritudo in conspectu ejus. * sanctimonia, et magnificentia in sanctificatione ejus.

Afferte Domino patriæ gentium, afferte Domino gloriam et honorem: * afferte Domino gloriam nomini ejus.

Tollite hostias, et introite in atria ejus: * adorare Dominum in atrio sancto ejus.

Commoveatur à facie ejus universa terra: * dicite in Gentibus quia Dominus regnavit.

Etenim corripuit orbem terræ qui non commovebitur: * judicabit populos in æquitate.

Lætentur cæli, et exultet terra, commoveatur mare, et plenitudo ejus: * gaudebunt campi, et omnia quæ in eis sunt.

Tunc exultabunt omnia ligna silvarum à facie Domini, quia venit: * quoniam venit judicare terram.

Judicabit orbem terræ in æquitate, * et populos in veritate sua.

Gloria Patri, et Filio...

Ant. Unde hoc mihi, ut veniat
Mater Domini mei ad me?

Ant. Misericordia ejus...

PSALMUS 96.

Dominus regnavit, exultet terra:
* lætentur insulæ multæ.

Nubes et caligo in circuitu ejus:
* justitia, et judicium correctio se-
dis ejus.

Ignis ante ipsum præcedet, * et
inflammabit in circuitu inimicos ejus.

Illuxerunt fulgura ejus orbi ter-
ræ: * vidit, et commota est terra.

Montes, sicut cera fluxerunt à
facie Domini: * à facie Domini om-
nis terra.

Annuntiaverunt cœli justitiam
ejus: * et viderunt omnes populi
gloriam ejus.

Confundantur omnes, qui adorant
sculptilia: * et qui gloriantur in si-
mulacris suis.

Adorate eum omnes Angeli ejus:
* audivit, et lætata est Sion.

Et exultaverunt filiæ Judæ: *
propter judicia tua Domine.

Quoniam tu Dominus Altissimus
super omnem terram: * nimis exal-
tatus es super omnes deos.

Qui diligitis Dominum, odite ma-
lum: * custodit Dominus animas sanc-
torum suorum: de manu peccato-
ris liberabit eos.

Lux orta est justo, * et rectis
corde lætitia.

Lætamini justi in Domino, * et
confitemini memoriæ sanctificationis
ejus. Gloria Patri...

Ant. Misericordia ejus à proge-

nie in progenies timentibus eum.

Ant. Suscepit Israel.

PSALMUS 97.

Cantate Domino canticum novum:
* quia mirabilia fecit.

Salvavit sibi dextera ejus; * et
brachium sanctum ejus.

Notum fecit Dominus salutare
suum: * in conspectu Gentium re-
velavit justitiam suam.

Recordatus est misericordiæ suæ,
* et veritatis suæ domui Israel.

Viderunt omnes termini terræ *
salutare Dei nostri.

Jubilate Deo omnis terra: * can-
tate, et exultate, et psallite.

Psallite Domino in cithara, in ci-
thara et voce psalmi; * in tubis
ductilibus, et voce tubæ cornæ.

Jubilate in conspectu Regis Do-
mini; * moveatur mare, et plenitu-
do ejus; orbis terrarum, et qui ha-
bitant in eo.

Flumina plaudent manu, simul
montes exultabunt à conspectu Domi-
ni: * quoniam venit judicare terram.

Judicabit orbem terrarum in justi-
tia, * et populos in æquitate.

Gloria Patri, et Filio...

Ant. Suscepit Israel puerum
suum, recordatus misericordiæ suæ.

℟. Ego dilecto meo:

℣. Et ad me conversio ejus.

LECTIO VII.

Lectio Sancti Evangelii secundum
Lucam. Cap. 2. 48.

In illo tempore: dixit Mater Jesu

ad illum: Fili, quid fecisti nobis sic? Ecce Pater tuus et ego dolentes quærebamus te. Et reliqua.

De Homilia Venerabilis Bedæ
Presbyteri

In Homilia Hyem. de temp. Dom.
I. post Epiphaniam.

Mater ejus, inquit Evangelista, conservabat omnia verba hæc in Corde suo. Omnia quæ de Domino, vel à Domino dicta, sive acta cognoverat Mater Virgo, diligentius in Corde retinebat, sollicitè cuncta memoriæ commendabat; ut cum demum tempus prædicandæ, sive scribendæ Incarnationis ejus adveniret, sufficienter universa, prout essent gesta, posset explicare quærentibus. Imitemur et nos, fratres mei, piam Domini Matrem, ipsi quoque omnia verba et facta Domini ac Salvatoris nostri fixa in corde conservando.

Tu autem.

R. Aquæ multæ non potuerunt extinguere charitatem. * Neque flumina obruent eam. **Ÿ.** Si dederit homo omnem substantiam domus suæ pro dilectione, quasi nihil despiciet eam. Neque...

LECTIO VIII.

Horum Domini verborum et actorum meditatione diurna et nocturna importunos inanium nocentiumque cogitationum repellamus incursus: horum crebra collatione et nos et próximos nostros à fabulis supervacuis, et male dulcoratis detractionum colloquiis castigare, atque ad divinæ frequentiam laudis accendere curemus. * Si enim, fratres charissimi,

in futuri beatitudine seculi habitare in domo Domini, ac perpetuo illum laudare desideramus, oportet nimirum et in hoc seculo, quod in futuro quæramus, sollicitè præmonstremus; frequentando videlicet Ecclesiæ limina; et non solum in ea laudes Domini canendo, sed et in omni loco dominationis ejus ea, quæ ad laudem gloriamque conditoris nostri proficiant, verbis pariter ac factis ostendendo. Tu autem...

R. Spiritus meus super mel dulcis et hæreditas mea super mel et favum. Qui audit me non confundetur. * Et qui operantur in me non peccabunt. **Ÿ.** Qui elucidant me, vitam æternam habebunt. Et qui... Gloria Patri... Et qui...

Lectio IX, de Homilia Dominicæ occurrentis; sed si extra Dominicam agi de hoc Festo contingat, tunc Lectio IX. incipiet ab asterisco posito supra Lectione VIII.

Te Deum laudamus...

AD LAUDES, ET PER HORAS.

Ant. Trahe me post te, curremus in odorem unguentorum tuorum.

Psalm. Dominus regnavit, cum reliquis de Dominica.

Ant. Dilectus meus loquitur mihi: Surge, propera, amica mea.

Ant. Fulcite me floribus, stipate me malis; quia amore langueo.

Ant. Adjuro vos, filiæ Jerusalem, ne suscitétis dilectam quoadusque ipsa velit.

Añã. Ego dormio, et cor meum vigilat.

CAPITUL.

Cant. 8.

Pone me ut signaculum super Cor

tuum, ut signaculum super brachium tuum, quia fortis est ut mors dilectio, dura sicut infernus æmulatio. Lampades ejus lampades ignis, atque flammæ.

Hymn. O gloriosa Virginum...

℣. Qui me invenerit inveniet vitam.

℟. Et hauriet salutem à Domino.

AD BENEDICTUS.

Añã. Extollens vocem quædam mulier de turba dixit illi: Beatus venter qui te portavit, et ubera quæ suxisti.

ORATIO.

Omnipotens sempiterne Deus, qui in corde Beatæ Mariæ Virginis dignum Spiritus Sancti habitaculum præparasti, concede propitius ut ejusdem Purissimi Cordis festivitatem devota mente recolentes, secundum Cor tuum vivere valeamus. Per Dominum... in unitate ejusdem...

AD PRIMAM.

in ℣. brevi dicitur.

℣. Qui natus es de Maria Virgine... *Ad Absolutionem Capituli lectio brevis.*

In omni terra... *ut infra ad Nonam.*

AD TERTIAM.

Ant. Dilectus meus...

Cap. Pone me ut signaculum...

℟. *br.* Anima mea * Liquefacta est. Anima... ℣. Ut locutus est dilectus. Liquefacta est. Gloria Patri... Anima mea... ℣. Fortis est ut mors dilectio. ℟. Dura sicut infernus æmulatio.

AD SEXTAM.

Ant. Fulcite...

EGO ex ore Altissimi prodivi primogenita ante omnem creaturam, ego feci in cælis, ut oriretur lumen indeficiens, et sicut nebula texi omnem terram.

℟. Fortis est * Ut mors dilectio. Fortis... ℣. Dura sicut infernus æmulatio. Ut mors... Gloria Patri... Fortis est. ℣. Ego dilecto meo. ℟. Et ad me conversio ejus.

AD NONAM.

Ant. Ego dormio...

IN omni terra steti, et in omni populo, et in omnibus requiem quæsi, et in hæreditate Domini morabor.

℟. *br.* Ego * Dilecto meo. Ego. ℣. Et ad me conversio ejus. Dilecto meo. Gloria Patri. Ego dilecto meo... ℣. Qui me invenerit inveniet vitam. ℟. Et hauriet salutem à Domino.

IN SECUNDIS VESPERIS.

Omnia ut in primis.

℣. Viam mandatorum tuorum cucurri: ℟. Cum dilatasti Cor meum.

AD MAGNIFICAT.

Añã. Exultavit Cor meum in Deo salutari meo: quia fecit mihi magna qui potens est.

